

Allannguutissatutsiunnersuut

uunga

Aalisarneq pillugu Inatsisartut inatsisaata allanngortinneqarneranik Inatsisartut inatsisissaattut siunnersuut.

Aappassaaneerreqarneranut Naalakkersuisunit saqqummiunneqartoq.

§ 1, nr. 3-mut

1. § 10a, imm. 2 ima oqaasertaqassaaq:

"Imm. 2. Aalisarnerup ingerlanneqarnissaanut atugassarititani allanngortitsinernik piffissanut killilikkanik taamatullu aamma aalisarnerup qaqugu aallartinneqarsinnaanerani unitsinneqarnissaanillu Naalakkersuisut nalunaaruteqarsinnaapput."

2. § 10a, imm. 3 ima oqaasertaqassaaq:

"Imm. 3. Imm. 2 malillugu nalunaarutit imm. 1 tunngavigalugu malittarisassiat naapertorlugit nalunaarutigineqarlutillu atortussanngortinneqartassapput. Nalunaarutit Nalunaarutit-Grønlands Lovsamlingimi saqqummiunneqartassanngillat."

§ 1, nr. 5-imut

3. § 32, imm. 1 ima oqaasertaqassaaq:

"Naalakkersuisut Aalisarneq pillugu Siunnersuisoqatigiinnik pilersitsissapput aalisarnermi soqutigisaqatigiiffinit ilaasortaaffigineqartumik."

Nassuiaatit

Inatsisissatut siunnersuutip danskisuaanut saqqummiunneqartumut, ulloq 12. april 2002 ullulerneqarsimasumut, sanilliullugu oqaasertaani allanngortitsisoqanngilaq.

Allannguutissatut siunnersuut saqqummiunneqarpoq siunnersuutip
siullermeerneqarnerani inatsisissatut siunnersuutip kalaallisuuani
aalajangersimasunik kukkuneqarnera uparuarneqarmat. Kukkunerit taakku
iluarsiniarlugit inatsisissatut siunnersuutip misissuataarneqarneranut atatillugu
aamma oqaasertaasigut allannguisoqalarpog.